

也為木不來間故土間也

二陽明司地在泉正化無間者上下左右火不來于中運不相刑剋者地金自化白物生多辛物味甚故司地之氣甚美土運來間也甘物味亦長黃物生還深此土氣優金之今而至也

三少陽相火司地在泉正化無間又無水運地得自今苦味運泉赤芳甚鮮丹穀結實正五之時土來間化甘物爭肥黃花競長此土氣火美而來也

四太陽寒水正化司地左右無間亦無土運地得自今鹹物之味其味運長化氣之專其氣運今正今之作甘土來間間而不刑於水自專甘化甘味之物別成一化自名土間也

五少陰對化司地在泉地氣運虛間物未化之時或間物來氣甚晚甘土之化又作與間物競味甘來添苦之衰於是苦中復生其甘也

六陽明對化司地地氣運虛辛物味薄間化

來晚未及間味甘土來資於金虧於辛物中或有甘味間之此甘土佐金之間化助味也

七少陽相火對化司地地有間化若味不專間物欲生土氣先作若味之中甘生其內今鹹不生其間甘土之情其化急速多來接間

八太陽對化司地在泉地氣運虛鹹物味薄甘物偏勝於是鹹物之中反或甘味資其鹹其味長此甘立刑勝迴味之間也

九太陰對化司地地氣運虛自受他間或木來刑甘甘味合當衰矣甘物與黃花及穀穀皆當氣薄也其甘味亦懼木而衰應年虛而滅却移味在鹹物之中味當不滅

十太陰正化在泉其左右間不至又無木運甘土自專即諸味中皆有甘間之不同別味也此在泉之中惟土多間地土合得大地佐之也

素問六氣玄珠密語卷之十五

素問六氣玄珠密語卷之十六 卷三

五行類應紀篇 啓 玄 子 述

草木風歲星毛蟲雷電皆應木

東方之類厥陰主之四時主春時化主初

氣八卦為震九宮為三宮上象為歲星天化今為風為和暖蟲化之類為毛蟲即師

子麒麟為長地產之化味酸色青地之化物天之星象風之應候吉祥應時凶應凶兆吉應吉祥也此天東方之類皆應其木

也即風木春令暄和之候風敷發生太虛埃昏大風摧拉其氣候速視蒼埃四氣青霞輝彩芳卉蕃秀其產化酸生肥盛草木

滋榮天正今運太過即獨行風令雨滋潤虧土運從今木氣不刑土不從而化雨令

化即大風伏之如是即雨中大風以相勝也如運符天德即歲星明感音雷每彭蒼

氣遠見毛蟲運化即異獸同祥地產靈芝林生異木野有名草共合木德東方之正

春無殺令和氣頻舒花卉媚發雷起春中

電發應時虹蜺應候順之即萬化舒榮逆之即變成災禍日辰甲乙卦有震巽歲星失度行年大飢民多疾病觀視歲星小者即民災至大即君聖國安民有福即慶合其星潤澤光明體自安靜行中道即性正也。行正即君心正行邪即君心邪行舒即為重福遲疾失位皆虛也。色青即民安色黃即豐稔色黑即大哭泣色赤而動搖即起兵大而芒角即國君有子之慶色白而小者國有賞誅權臣也。色青黑而忽太忽小有赤暈圍之有大黑風至歲星所行逆順守常必為福也。失常必為災也。歲星趨舍而前日盈將有兵王候主不安運舍而後日縮其將死師敗歲星與月相掩蝕國多災咎或大臣后妃薨與變惑合當戮姦臣與太白相闔相合主大決戰又金與木星合金在木南南方兵敗金在木北北方兵敗東西亦然木星無光進退無常此國失政也。國有憂運行埃闔會合環守國君無道也。甲乙木德也。風雷木令也。春

風鳴者夏風颺颺秋風蕭颺冬風颺颺此是四時之常候也。於是順之則萬化安逆之即民皆病春風颺颺即天下瘟疫春風蕭颺即天下撓捨春風颺颺即飢荒失業此春風失政也。夏風鳴者國政不安夏風颺颺民多暴亡夏風蕭颺兵戈大動此夏風失政者也。秋風鳴者即來年不稔秋風颺颺即民病癘疾秋風颺颺國有姦臣此秋風失政者也。冬風鳴者即癘病生於冬冬風颺颺即旱澇不勻冬風蕭颺五穀不登此冬風失政者也。雷者木之意氣也。雷震卦東方卯位也。雷者雷之先也。雷始震於東方五穀豐登雷始震於南方小旱也。雷始震於西方必暴露屍骸牛馬疫死雷始震於北方百川溢注冬雷於上朔皆為亡國之兆。發雷之地露屍於野雷電同占八魁日有疾雷主大戰大風起國有急令。八魁日者春巳巳丁丑夏甲子壬戌秋巳亥丁未冬甲子壬辰也。冬戊子日不雨而雷電光起而雷不發主天下兵亂天無雲而雷大災於民雷電發帝室大

夫欲為逆五年期交兵流血雷電擊於宗廟是名天戒君行不道再擊之八年削地奪國雷電擊貴人甲第有佞人持政六年削地雷電擊於貴人從官車騎此國君感於女人失政事雷一聲而止此國君出重今雷聲霹靂蛟龍見國有賢士出雷雨中。大風拔樹木損舍屋小人居上位賢士出走雷雨霹靂大殺人此國君聽讒言以殺忠良雷至夏不發聲君振不威武退強臣雷聲季秋名天狗鳴夷狄動兵雷發春前民發瘟病草木者地之形應也有靈芝異木生於宗廟者主君心專祀天下太平有靈芝異木生於郊社者主天下豐登太平有靈芝生於殿宇者主帝家後昌有樹生連理枝者國之瑞也。帝官室中生異木國有慶木死再榮國易政桑夏枯五穀不熟伐木有血君侯有憂陵墓有樹自生國失政也。社稷中樹自死國君失地。社稷如社社中有樹木非其時而落是賊金伐之二大樹死年有暴兵外來木自拔者其國將亂樹再

生花君有災夏有霜木凋殞墮葉七十步
國有大兵人棄故國木生夏枯不熟民災
竹栢夏凋侯王失位樹泣天下有兵不雨而雨
濕潤之注其竹生無節國失政事竹生同
根雙牽權臣謀位竹華枯死忽復生權臣
執政枯木冬生是謂陰陽易位二年國亡
木不開花當生者死花生於冬主兵起及秋不花并四
李花餘外皆山木再祭實當死者復生春不并結實
再實春有霜竹再實三年民大飢木忽鳴
其主死木忽生道中君失理木生屋上其
地有聖人木生非類者并人民木自鳴如
金聲地將分裂木變生枝固必傾草木如
人形狀國有大難草木自除國將太平人
莧生多病死蒿蒲生多有大水藤草生多
必飢荒菝梨多必攬槍毛蟲木類之形化
麒麟生師子見獬豸來騶虞見比肩獸出
並應明王之瑞白狐來政及遠矣獨角獸
見天下太平白象至君傾於色白鹿見君
事疾六足獸至卦公而不亂三目獸至謀

及庶人赤熊熊出權任臣下龍馬來資服
其制文狐見息及縲寡九尾狐見王道昌
虎有兩口世主將起大臣逆害虎相食三
年大荒虎狼入國郡邑凶狼逐人夷狄來
虜入國被屠野獸與鳥鬪邑中兵亂野獸
無故入水其國亡獸入邑中群鳴邑空虛
野獸自縊于市中歲邑有大水野獸大小群
入邑及國郡若道上有大害野獸生子如
人形時將易主獸生子如六畜形色虛野
獸生子如人君國亡野獸生有翼如鳥
天下有兵獸生子無耳鼻邑有兵亂獸生
子無目邑有憂獸生子如蛇邑有火災野
獸生子多足邑有民災野獸生子無尾君
無後亦用野獸生子於郡邑旱大災狼鹿
鳴於邑中作妖其年民死眾狐入室及屋
有暴亡君以淫色亡野獸銜枯木入邑里
道路君國廢六畜忽言善惡如其言儼鼠
出妖人起狐狼嗥鳴於舍庭必有凶禍獐
猴入城主水災獺入邑主大水白兔自至
王者瑞兔上城邑必虛兔無故入宮殿生

子國有憂兔行王宮其君亡紫兔出見必
豐登兔有三足天下大疫牛馬忽變作異
相君之憂人索馬變色其主凶牛生馬主
君不保宗廟牛馬或言善惡如其言牛生
南頭主軍分土牛生六足有上齒世主為
盜牛生犢頭尾似魚兵大起牛生犢人面
畜身天下民病牛交馬主世亂馬忽角生
國將亡又主天子親征伐戎馬變尾如牛
名曰易衣小人理大政馬生四耳者國分
為四馬生羊者民安羊有四目名曰
垂耀天下四爭犬生豕時大安豕生犬時
不安犬與豕交諸侯妾婦謀害犬忽變毛
色黑犬忽變白家主被刑罰犬豕從土中
生出者郡邑有大災大郡會於街衢中有
大賊將起犬向人悲泣有大喪犬相將入
水及上舍屋有大喪犬忽戲井有驚恐之
事犬屎屎井中廟堂牀席皆為大禍犬自
食子憂牢獄犬忽自死犬凶犬生子無頭
家犬凶犬生無後足門凶之兆鼠一日三
生其子主飢鼠於樹上作窠有大水鼠聚

於市大馮群主將反鼠舞於中庭及道上
家將破於地中間鼠聲家將破鼠自食子
邑虛鼠將子去不迴有火災鼠將子移穴
大雨至鼠群居高墻頭有大水鼠斷頭道
上主世亂殺人鼠生子數頭天下撓捨鼠
子無足主凶年鼠聚物出主大荒鼠害據
橋國刑罰曲法

熒惑夏令火羽蟲翻飛皆應火

南方丙丁火德行今於夏以應君相二火
上應熒惑吳煌二星蟲應羽翻仰視熒惑
大且光輝其星即喜民通康和小且赤即
怒民通災病熒惑觀之近女宿即孕婦災
產婦多死熒惑近南斗即君災熒惑近日
月亦赤主大旱熒惑大而芒角生青暈圍
之主大赤風化為熱病熒惑失度速遊行
主民災流血熒惑芒角左右小小赤星侍
之主民間火燒舍屋傷人之眾熒惑黃且
大為天下瘟疫熒惑變白兵來犯帝關熒
惑變青風多燥旱熒惑怒昏旱後大水而
丁天火燔宗廟人君不謹敬也 天火燒宮

殿社稷有大殃人君內無正法人君內無正法外無
德行於臣下君無德之言天火燒宮觀寺舍君失正德
天火燒馬廐兵起天火燒人舍之眾國虧
刑法天火燒野中五穀郡主失政天火燒

山谷宰相不直天火燒萬物君心不慈天
火燒牛國兵有怨天火燒川原武臣在下
位天火燒軍中帳幕兵將敗天火燒樹木
木呼鳴森人將起天火燒牢獄囚有曲貴
人天火燒街道主民走失地天火燒正殿
是人君不聽諫天發焰於夜明不見火蹤
君不明火自生自滅天下欲相吞滅火燒
城郭大水漂流地忽生火光如照耀憂國
亡軍中地火出兵敗將死官室無故火燔
吳帝關流血水中火出賊起兵凶風風來
一見之天下百年太平比翼鳥至德及幽
隱白鳩來君不以新失舊白鸞來巢君有
孝德星墜為鳥有大兵至文鳥居野不出
三年有喪且早鸛與鵲同巢賢人據伐主
衰失之象鵲巢樹其歲民多死鳥有三頭

民多病死鳥有四足天下不稔鳥有二頭
四足天下戰爭有鳥如鷓深紅足黑見之
有火災有鳥大如鷓身黑肉翅頭如鷓尾
長毛名曰水魘見之有水災鴻鴈翔來宮
室上兩日或三日郡邑反叛鳥鳴人君門
上作人聲其君亡第十五色飛鳥鷓翔於帝室

作異聲主君不安群鳥象人形而飛主君
亡民失業眾鳥下飲人家井中水者家虛
鳥飛作六畜形者世亂眾鳥飛作蛟龍形
者主帝離闕走眾鳥飛作蜂蠅形者有火
災鴿下子如鷹者主大風地分為三鳩一
首三身者地動損眾鳥持於水上女持政
王道絕眾鳥盤旋如爭者其地流血蝗蟲
食草國政由女人蝗蟲所出而飛從他來
忽自死不出三年大兵蜂生國舍內凶螻
蝓眾飛集朝廷有名將出蝗蟲赤頭黑身
或黑頭赤身皆政殘剋賊興在野怪蟲生
民傷殺漢武二年河北有怪蟲出大如
得此為者此如伯勞鳥為怪人君災毛果
此天下民苦伯勞鳥為怪人君災毛果
如鳥如貓伯勞聚居中歲有水伯勞鳴

主凶喪伯勞闕於屋上及呼鳴不止六十
 日禍起群鳥頻夜鳴都邑有驚衆鳥住在
 人家舍屋上有火災鳥與家雞交圍有姦
 姦大鳥傷五穀苗穗郡主不持政雀巢井
 中賊人伐君雀巢木上有大水雀與驚爭
 隣國亂雀鷄並飛臣反於君群雀打鳥憂
 水旱雀不見歲中不稔雀巢木上大水至
 雉入人家有憂雉相戲於君殿上君災雉
 群鳴國分地雉來與家雞闕去而再來有
 戰爭夜半雉雞鳴起天下姦雉雞入井中
 有宰獄雞與鳥闕君主殺雞卒然衆死主
 虛耗雞昏黃鳴主任女子為政雞逐野鳥
 高飛去土居人疎散難至日出不鳴主不
 聖雞不下卵生雜異蟲小人得位雞至午
 不下巢國今不時雌雞化為雄後必有女
 主亂政唐顯慶二年有雉化雌雞生冠
 主不臣唐元帝與元中雉生冠雌雞
 下卵化為蜂五穀不成雞下卵化為鼠主
 挽槍雞與野鳥入人家有大災鴨不入水
 主大旱鴨起高飛小人居上位獨下卵如

走獸臣不忠鴉有雙頭起二主鴉鳴生獸
 尾天下民災有大鳥生百頭如衆鳴天下
 兵亂主生衆有大鳥食野獸姦雉捕有大
 蚊如蜂來傷人民災禍有異蟲如蟬衆有
 聲顯小人得路有大鳥棲於帝殿又立不
 起無聲吉有聲凶有大鳥棲樹衆鳥侍之
 國告民昌
 中央鎮星地土保眾皆應土
 中央鎮星王之曜仰觀之順度皆吉流逆
 失度皆主凶也鎮星合於土運上應太陰
 司天皆視主曜以合災祥也鎮星大且光
 主民安小且暗主君民災大且芒角是煌
 赤氣繞之主天下瘟疫并天黃同見庚
 鎮星小并退逆有白氣侵之主大旱民災
 鎮星大而黃次有五等小黃星侍之主大
 豐民安也鎮星流而不行所臨分野災鎮
 星逆而退度大并芒角主兵動民災鎮星
 於五星中最行遲二年半行得一官以為
 常度也若非次行疾者軍民皆災萬化不
 安鎮星忽青色主大風後五穀不登鎮星

忽伏者先燥而後澤也而後有大雨也
 鎮星忽黑者主久雨霖霖鎮星不近太陽
 忽伏者主君亡鎮星小有暈圍之主民死
 多災鎮星動而左右移易主人并兵亂鎮
 星下有赤氣長一丈餘主謀臣持政鎮星
 初出至大上有白氣長五丈餘主殺人流
 血千里鎮星大而順度有紫氣逐之主帝
 子為君鎮星犯南斗主君災鎮星入天河
 且暗如留不行人相食也鎮星犯北斗十
 二年易主鎮星下有群星侍之天下歸明
 星墜為土大飢流血星墜為沙石兵動亡
 國地大震世主失位不出千日地動十里
 土功興其年凶凡地動皆凶地動城郭屋
 室損人物是謂失四海有兵地裂一丈損
 五穀地裂地上門下臣從中起地裂市中
 國有憂地生血主流血地變赤如丹立攙
 搶地生鳥卵為民病地裂一里將亡國山
 崩破為谷有水天下流亡地忽增起生道
 中天下大通地自陷其國亡晉安帝元興
 山陸地陷四尺有聲地增起城邑下埋毀
 如雷共後兵起應北

敗地增市中國有利地增社稷中王者益
 土地生石春夏昌利地陷入君室臣下起
 謀地自陷下或成泉及生雜物災起大
 水塚墓中自作聲主禍亂塚墓自移天災
 國破塚墓自陷民流亡塚墓上樹自死民
 多疫軍中野營中地動有文戰軍在野營
 中地生蠅蟲軍破將死軍口地成坑將軍
 死軍營中地裂宜移營吉宗廟中地陷及
 地裂國將亡地裂龍出君離邦地裂生火
 兵將亡地冬不凍國易政地忽生土錢民
 流散人家屋室下地生穴家將破帝關中
 地生穴國破地朝生毛有水災地夕生毛
 有反叛地生肉塊軍民災地穴中起飛蟲
 一萬千民多疫死地穴中有黑氣起國有
 陰謀地穴中有白氣生散為霧主反亂
 冬月霧中有微雨一兩點名天泣屍主民
 失主地破生蛇主反叛地破生人主災地
 破生魚主水災地破生金類主大兵地破
 見鼠藏且荒亂地生人面有屈刑人地生
 人眼主禍亂地生土馬主兵亂地生土人

諸侯不臣地生土獸狄人兵亂地生土牛
 無之吉地中有人聲人災死地中有犬聲
 國有憂地中飛鳥聲民災地中鐘聲大臣
 災地中有雷聲民疫癘人頭上生頭天下
 有兵人死而復生如此多者民飢有兵亂
具神時無凡四七月十二
穿土而復生俄國亡矣
 賊人生而不見形者王事急民流亡人生
 龍蛇國有伐童女產者男吉女凶人生鼠
 若其地被奪人生野獸一年夷狄動人生
 牛馬兵動人生犬豕君失道人生魚頭者
 有大水人生有四目國表人生目在腹五
 穀貴人生閉口者天下飢荒人生無頭及
 手足君失朝政人生無耳鼻者君昏不明
 諫人生多足流民四出生生手如足國生
 燕臣人生一頭兩身者君憂失權柄人生
 無足者有兵喪亂世又主國基虛人生有
 翼而飛去主大旱人生夜叉者起姦雄人
 生牛角者主戰爭人生飛鳥者二年流亡
 人生無二臂國失輔佐人生一臂國失忠
 賢人生一足國失賢謀人生十子諸侯競

位人生三子主太平人生三女國淫失政
 人生肉塊天下飢荒人生無陰國無朝典
 人生赤髮如朱主旱又主絕門人生反腸
 必姦雄人生無髮主凶年人生眉長過足
 國有壽人生滿面有毛國有多事人背生
具神時
西國生背臣人生四足天下鼎沸人生有
 毛如猴天下撓搶人生頭如驢直臣不佐
 人生有尾民災害人生二口五穀不收人
 生鼻有二柱三竅國生嘉慶人生目有二
 瞳子延上瑞之兆人生目中七瞳子天下
 多事人生四乳天下吞弄人生三日天下
 進昌人生犬頭君心不正人生羊頭淫荒
 失政人生猪頭姦姪女人權正人生猴頭
 外臣不忠人生無九竅天下不通君不明
 人生面觀背國不祥人生三頭國有爭人
 生驢脣國生逆臣人生鳥卵國不進賢霧
 從地起亦應主德霧中有赤氣將有大疫
 霧變作黃雲有大疫癘霧大起先紫後黑
 變畫如夜者內有陰謀霧化青雲後成紫
 氣者聖帝在野中大霧經七日不散君昏

不明霧起變雨久不晴者君聽嫗婦之言
黃雲將日復生黑霧主大雨青氣犯日散
為黃氣主風雨夕占赤氣後化黑雲雲中
有黃雜之後延久雨白氣抱日黑雲蓋之
後雲中化電

太白星金山谷甲蟲皆應金

西方庚辛金德上應太白上合陽明司天
中合金運太過下應陽明在泉太白高且
小主太白太白大且光芒主兵起太白失
度近南即南有兵近北即北起兵太白行
宿其形上銳下大進退合度天下昌太白
當伏不伏主不臣太白不伏却伏主兵不
利太白晝見主大決戰太白與月相掩蝕
易時主將受戮太白入月中星色分明臣
有謀上太白東出月未圓星在月南即利
星在月北即破軍太白在西方月初生星
在月北陰國兵強星在月南中國兵勝太
白與月相逼中間通三指兵強通兩指城
憂一指拔城將走太白在鎮星北者失地
亡國太白在東方日出猶見主兵戈太白

始出時大後小者主兵弱太白始出時小
後大者主兵強太白變惑相合一東一西
王侯受若太白沉河漢中小且昏主殺人
百萬流血千里星墜為金鐵天下有兵帶
沸於野地中出見不出三年奪國魏青龍
年中成

修宮室得東安金大承露盤村樹聲千里
金天法於是因道霜城此乃金失其性也
鍾自鳴三年內兵亂晉安帝永興十年
山崩出鍾六口復律
位於宋公

石鼓自鳴國不安三具時石鼓
鳴於石鼓也
金鼓自鳴將有兵與刀自鳴凶刀刀生
血戰勝國君之刀佩自拔乃血光有聲並

主兵傷戈戰鋒刃有聲皆起兵照鏡不見
其頭主遇害國庫金忽躍其分野易主市
中金玉寶貝忽賤貴人失利軍中釜鳴將

立功石人泣世將亂野中及山中石人自
出有庶人為君吳孫權五年五月陽
羨林離黑山有石人長一
丈餘立立海京房易傳
無人為天子之祥應也

石生如禽獸形諸
侯與石如飛鳥形外戚女與近臣謀石生
如小兒形君絕孕嗣石生道上國亡主石

生石方三軍謀逆石生髮如絲不出五年
兵謀事石生重累不出五年相謀且成石

生水中上見者近臣與女子連謀山生紫
氣如芝草聖明君見山出器車聖君應
理位山出車白精奉承即老人星見水通
津不揚波澗不失時則日月揚光聖德無
所不通山生寶氣以合太平寶氣見賢人
者也

山無故晝夜如人哭聲有兵喪欲亡之
故石注

山無故自崩國分君德銷秦崩國
代夏前
有大水秋崩有山分裂君臣等爭山吼作
雷聲半年賊來山崩分其地有戰山中出
異物非人所見者有形質音聲者其色大
水及飢荒山非時動搖主天下戰爭山忽
生光臣下不祥山忽赤如血者諸侯不助
父子絕山化為人形其國虛山洞中水漱
瑤音聖主臨朝瑤音即
玉聲也山見青黑氣即山
水害人物山有白氣如練玉迺呈祥山有
五色霞彩見合王昇平民安樂龜生綠毛
龜白眼如珠明君出見龜如玉合聖
主將出蟹象出主大風海螺鳴主大風蚌
吐光主陰雨枯螺自鳴主禍亂龜與蛇交
見之眾者主國敗政螺蛤相聞賊軍生亂
飛鳥食蛤主飢荒龜作人言主臣反叛龜

饑食魚主飢荒龜三足主太平龜三尾主
 豐登龜九尾國有昌龜四目天下亂螺蛤
 其象主民災患螺蛤水上亂遊走主兵亂
 龍白色外臣反叛龍三足諸侯得玉蟹四
 甲者戰爭龜鼈遊於市主兵亂龜生角主
 鏡槍鼈生角小人得位霜依時令國有威
 嚴日中霜未消見日而反為霜此臣行刑
 不避君也霜下日未出而消此人君不行
 刑罰霜見日而不消此人君執堅不可犯
 或不見星而有霜此臣行君誅罰霜不殺
 物臣改君威霜下有聲兵來伐人春三月
 霜殺草木有兵歲飢季秋不霜國政失事
 江海百川及井鱗蟲辰星水雹雪應水
 北方辰星水德上應太陽寒水司天中合
 水運下應太陽在泉辰星非常可見見之
 光彩順度以合民安太平辰星見大且光
 芒主大寒雪辰星見之小且昏主民災辰
 星見之光而不芒明且瑩主文明聖德也
 辰星下有黑氣繞之主大水辰星小且黃
 色主冬温不寒辰星失度動搖遊走皆主

凶年壬癸水德也河出圖洛出書醴泉生
 甘露降皆主明君之瑞也黃帝生壽丘生
時醴泉出應瑞
 符明君海不揚波明君之德黃河澄清以
 之德也通明時即清非三
千年一度清也水不潤下即刑
 不正百川潮宗君持政事水變如血其地
 殺人陳太建二年江水變為血至金
陵其後兵起後主國亡之兆水中
 洲嶼長其分野益土星墜為水主兵喪水
 旱荒飢之災天不雨而生泉其國大水天
 不雨而涌泉民亂吳孫休永安五年八月
起大水忽逆流婦人感亂政流水不行天
 下飢荒停水忽流天下兵起流水忽易道
 國易政令都邑水忽自絕及易其處所邑
 人流亡池水忽自盈溢國君亡清水忽濁
 天將亂水自流於朝市兵亂政水結冰於
 季春國失政夏水為冰歲不登秋水為冰
 歲主亂世冬水不冰即民病水忽自鳴民
 苦水作金聲人民別國土水忽出於石縫
 臣下謀位井水溢出人逃難走井水忽濁
 天下攙搶井中有聲憂兵起井中出黑雲
 有大水夏井有氣出即陰陽失正天下民

病井中起雷即旱澇不勻江河中見龍卵
 主大水人家中庭忽出水將大富陂澤忽
 自竭邑虛不利河涸無水是謂陰反五年
 人流亡海潮不及君道虧河水涌起水如
 山峯是謂威厭五年臣背叛海潮久不退
 國有亂政海涌水高如山世亂不寧江河
 忽變六年國易主湖如海潮主臣反高陵
 變野澤主削其地流水浮金主太平流水
 浮文字主太平流水浮錦繡主民災水流
 浮異木明君將出見流水浮異獸主世亂
 兵電及雷皆合水化也夏有雷即歲冰不
 時也冬時斗建北陸日雖虛宿國家當歲
水歲冰要北宗彌如不作時即夏電
 至電過人君要聞其過電下殺鳥君聽謔
 言電下剝樹皮折木枝即君行酷虐民有
 自害者也電下殺五穀電上如有眼即天
 罰之戒民過也電下如珠君欲害民電下
 如鵝卵人君侮慢也電下如鳥背天戒臣
 讒言也凡太陽司天即寒侵夏令夏令奉
 天不行炎灼即電不至如君相二人不奉
 天即行炎令即冰電至故名天休火化也

凡冬行大寒不下雪君無政事也冬有雨無雪是陰陽易令也雪下空中大至地小是利有失政也雪下積雪如人形者民災雪下積雪如飛鳥形國有謬臣也雪下積雪如狼虎陰地兵勝雪下漫物不漫山國不奄大賢也雪下未至地却上而復下君欲寬無罪雪下而溫比君免有罪鱗蟲水之形化之用也龍來見主太平魚生二頭主戰爭黃龍見君瑞齊桓公有龍見於大聖明者龍聞國有爭魯昭公時有龍聞于魯下飲軍管中水國虛龍見於川君有災龍入人居室若出去池中皆臣下謀上蛇集道上及都邑聞於市國不祥蛇冬見于正寢山勿殺之蛇交於市國亡冬見蛇於市大臣謀蛇入井中民疾患蛇生兩頭主戰爭蛇生一角諸侯王蛇生二足民災患蛇生二尾賊寇多蛇生四足主撓捨人民呼蛇作龍國不安蛇生鼠頭國之虛蛇生鳥鬚見之凶蛇生人頭民災死蛇生鳥翼起於雉魚生頭似獸國不安魚生人頭多疾病魚

生鳥鬚見之災比目見衆恩行於天下也鯉魚生角諸侯驕政天而下魚有兵變魚行人道兵亂世海罰大魚出於陸地主大臣薨鯨魚出海世主亡魚生鳥翼世將亂魚生四目主災凶魚衆見主不稔魚賤於市將飢荒魚生鳥尾國將變鯢魚見衆小兒災魚如女面甚淫亂江湖絕魚暴兵起吳楚反其王對海開婦女海魚飛去水不遠國暴兵魚生三口國不祥魚無目國政虧魚生人手起撓捨魚躍出水人民災魚生人足小人為臣魚無尾世亂人流散魚相撓闖主兵亂已上五等變異之化非變異自古有之即隨天地運氣報應生也即凶應凶兆吉應吉祥也

生稟化源紀篇

精為日月交合而生五星於天地始開闢中有子號五行即與五星一類六氣一也即地生淵源為水月之坎位為北即先生水水數故一次天之陽氣為火日之離位居南故次生火火數二次水脉資生迺成草木坎位北方生於震震生東方木故木數三其次元之化生山嶽山嶽之中產金玉故坤元之位生於兌兌生西方金故金數四次四方被象生中土故土數五而居中央於是五行中以土為尊者即坤土是也此非是火之子也此是太初始分濁氣下降為地也即坤元也坤元始於太初妙道故坤土尊也次有火生之子者即中央土也非坤元也即坤與中央須分兩位也即在地成形為五行在天為氣名六氣即天之號今迺為風即厥陰木是也故為初氣東風生和迺為暄即少陰君火是也故為二氣暄中有熱迺為暑即少陽相火是也故為三氣暑中蒸溽迺為濕太陰土是也故為四氣雨濕之中化為清陽明金是也故為五氣清中生寒迺為凜太陽水是也故

